

Disdat 11. beaivve miessemánu 2010

Scenekunst.no árvvoštallan

Sadosálbmalávlun

Springbrett joatká multikultuvrralaš eahkeda Elle Sofe Henriksena dánsačájalmasain *Beatnaga ii galgga gulgii geahččat*. Jus leaš vejolaš veardádallat dáid iešguđetlágan dánsadáiddalaš ovdanbuktimiid *Springbrett*-nammasaš čájalmasas, de lea dát bihta eahkeda alimusmuosáhus sihke koreográfija ja musihka dáfus.

Komponisttat Pia Møller Johansen ja Torgeir Vassvika jietnagovain gullojit seahkálaga ságastallamat sámegillii, luohiti, lávlun ja elektronika, masa boahdá lassín beanaholvvás, maid dat golbma dánsára ráhkadit. Koreográfijas gullo dánsáriin jietnadallan mángga geardde ja gieđaiguin fáipumat, muhtomin leat improvisášuvnnat ja muhtomin leat dát koreográferejuvvon.

Hanna Mjåvatn TV-programmas Dansefeber lea vuohččan lávddis dálááigge dánsárin ja beanan Henriksena čájalmasas. Son čájeha duođaid lagasvuođa lávddis gehččiide ja su dánsunteknihkka doallá roahkka seamma buori dási go dán guovtti eará dánsáris. Buot golmmas leat lášmmadat dánsut ja álget ja heitet lihastagaiguin, muhto sii liikká nagodit doalahit álbmás álmmi. Mánggaid tragediijalaš ja komediijalaš ovdanbuktimiid gaskkas ihtá sado-sálbmalávlun. Nubbi dánsár časká mángii duolbbogiedain nuppi miehtá goruda, dan botta go nubbi sámegillii lávlu sálmma man J.V. Vikman lea čállán. Dánsárat bálkestit iežaset mángii veallut lávddis ja sis leat badjelis biktasat mat sáhttet leat sámi árbevirolaš vuoleldusbuvssat.

Lihkadeaddji ja udámatlaš

Lea eahpečielggas makkár lahkoneapmi Henriksenis lea iežas sámi duogáži, leago čájalmas rápmi vai moaittá dan unnitlogu kultuvrii masa son ieš gullá. Dainna baluin ahte ii daga sámevuođa eksohtalažžan, de Henriksena bihtá čájeha duostilit nissonolbmo lihkađeami ja rájihis vuoiimmi. Hárve oidnojit koreográfát, maiddá dálááigge dánsas, geat eai vikka ge bargat duhtadit maskuliidna čalmmiid seksuálalaš nissongorudiin ja lávdebiktasiiguin.

Árvvoštallii: Sidsel Pape